

مکتبہ اسلامیہ


❁ ادبی و سیاسی رسالہ اسبوعیہ در ❁

۲۱ نمبر سنہ

۱۹ شوال ۱۳۲۹

❁ پچشینہ ❁

جزء عدد : ۱۱۶



قورفو مکتوبی

بو هفته بی حال یقظه ده کابوسلرله کچیردم . خیر ! کچیردم دیمک خطادر . چونکه حالا او کابوسلرک محکوم نقلتی یم .

برکت ویرسون بوجزیره خلقنک تربیه اخلاقیه و اجتماعیه سار همجنسلرینک هیچ بر حاله بگزیمور . بونلرده انکلیز اخلاق و تربیه سنه مخصوص مکانت طبع آناری هنوز بردوامدر .

ایتالیانک ناکسانه اعلان حرب ایتسنه قورفو خلقی فوق العاده حدت و ایتالیانلره اظهار نفرت ایتکده درلر .

قورفو صولرنده طولاشمقده اولان ایتالیا طورپیدولرینه قورفولیلر کوپک بالنی نامنی ویربورلر . فی الحقیقه کیجهلری ، بورانک راکد دگزنخی ، چاملفک ساکت سواحلی قارشدیران بو(طورپیدور)لر دگزر جانوری اطلاقنه سزاواردر .

شو حاله باقدقجه قلمبدن ایچمه عادتاً قان طاملادیغنی طویمقدم . سلطان عبدالعزیزک صولک کوننده بزه بر اقدینی قوه بحریه ۱۸۷۶ ده کی ایتالیایی دکل ، او تاریخده کی فرانسه بی بیله دوشندیره جک بر حاله ایمش . حالا المزدده بولان مسعودیه بیله آنک یادکاری اولدیغنی و فرانسه نک اوزمان بوسیستمده بر زرهللیسی بولمادیغنی بوراده کورشدیکم دالماجیالی بر قاپدان سویلیور .

بو قاپدان را کوزالی (مارکو ساواویچ) اسمنده در . وقتيله اللى لیرا معاشرله (فوائد عثمانیه) قومبانیه سنده طقوز سنه مستخدم بولمیش . حالا ترکیه تکلم ایده یلکده در .

بو ذات طربزون خلقيله رادوسلیدلرک مزیات بحریه سی هیچ بر ملتک افراد
بحریه سیله قابل قیاس اولدیغنی و بونلردن صکره (اسپوراد) آطه لری اهالیسی
صاییه بیله جکنی سو بیلور . حیاتی استحقار اینک ؛ گوزینی آتشدن صاقنامق ،
دشمنی حقیر کورمک ، ایدیلان قوماندانی (قرونومترو ساعتی کبی) (قایدانک
کندی افاده سیدر) دقیقه شاشرمندن اجرا ایتمک ، امره اطاعت اینک ، اولیمی
کوزیله کوردیکی حالده طومتق ایستیدور جه سنه اولیمک اوزرینه صالديرمق طربزون
اهالی " ساحلیه سنه مخصوص خصائل خارق العاده دن اولدیغنی فرط تقدیر ایله
بیان ایدیلور .

بو ذات یتیمش ایکی یاشنده شایان حرمت بر اختیاردر ، فقط بلی بوکولمش ؛
رکوب و نزولدن ساقط اولمش دکلدر . کندیسنک گوزل بر قوطرهمی واردر .
همان هرکون ینوب کزر . صید ماهی ایله اگلنور . اختیار تجرد ایتمش . قورفونک
هواسیله الفت ایلمش اولدیغندن اون ایکی سنه دن بری بوراده اقامت ایلمکده ایش .
عبدالحمیدک ، دوننانک محونی التزام ایدیشنه هیچ بر معنا ویرمیدیکندن (بونصل
دلی آدم) ديه حدتدن آیاغنی یره اوریلور . اگر عبدالحمید ۱۸۷۶ دن بری سنه ده
بر زرهللی بر ایکی قروازور بایدیرمش اولسه ایدی ، بونلرک ، سیستملری کچنلری ده
داخل اولدیغنی حالده ینه بوگون سواحل عثمانیه یی محافظه ایدمک اوتوز زرهللی .
ایتالیا دونماسنه میدان اوقویه جق اوتوز قرق قطعه یکی سفاسنگیز بولنوردی .
آق دگزرده کی حاکمیتکیز دوام ایدردی . ترکلری بو آدم اوتوز سنه ده بو حاله
نصل گتوردی . سزلرده نصل تحمل ایستیکیز . دیور .

اوت ! بزلر نصل تحمل ایتمک . بوراسی خارجدم کیلره ، قایدان مارقویه اولدیغنی
کبی باعث حیرت و تعجب اوله بیلور . فقط بر اجنبی بزلری حقیله بیلسه ، اوتوز بش
سنه لک احوالی تتبع ایتسه ، و بو بطنده بولنوبده شو صوگ اون سنه یی تشکیل ایدن
کچنلری که بونلرک یوزده طقسانی ییلدیزک اولاد ادعیه خوانی و اکثر نعت گوی
بی امتنانیدر . نصل یتشدکلرینی ، نصل تربیه اولدقنرینی تدقیق ایلمش اولسه ، اوزمان
حیره بدل ترکلره و بالخاصه استانبول خلقنک ارباب معاشنه ، ارباب معاشک

یوکسک طبقه‌سندمه بولنانلرینه و براز دها یوکسله‌رک عبدالحمیدک برکشیده‌سی اولان
 رجاله ، وکلاسنه مشاورین خاصنه ، آکا نصح ویندده ، تلقینات دوزخیانه‌ده ،
 القات ابلیسکارانه‌ده بولنان خبث طینت اربابنه قنطارلرله لعنتلر یاغديرردی .
 بیلان حکایه‌سی گبی سویلندجکه اوزامقلانی محقق اولان سیئات حمیدیه ایلله مآثر
 رجالی - الله بیك درلو بالالرینی ویرسون بد دعاسنه هدف ایدرک - قیصه کسه‌لم:
 زایرکه آنک ذکریده بر بشقه المدر .

بودفمه سنره جان صقندیسیله ترجمه ایتدیگم ایکی مقاله‌جک تقدیم ایدیورم که
 بری آلمان ادبیاتنه، دیگرى ژاپونلرک اشعارینه دأردر .

رامی عمر

